



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-2662/09
Sarajevo, 4.9.2009. godine



PRIMLJENO: 04-09-2009			
Organizaciona jedinica	Klasifikaciona oznaka	Redni broj	Broj priloga
01-50-1-15-57/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovori na zastupničko pitanje – dostavlja se

Vijeće ministara Bosne i Hercegovine, na 97. sjednici održanoj 3.9.2009. godine, utvrdilo je odgovor na zastupničko pitanje koje je Selim Bešliagić, zastupnik u Zastupničkom domu Parlamentarne skupštine Bosne i Hercegovine, postavio na 57. sjednici ovog doma održanoj 8.7.2009. godine.

U privitku dostavljamo odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-2662/09
Sarajevo, 3.9.2009. godine

Selim Bešliagić, poslanik u Predstavničkom domu Parlamentarne skupštine Bosne i Hercegovine na 57. sjednici Predstavničkog doma, održanoj 08.07.2009. godine, postavio je sljedeće pitanje:

„Ja sam dobio odgovor na pitanje o Agenciji za kvalitet hrane. I po dobijenom odgovoru vidi se da sama Agencija radi u korist deficita BiH, drugim riječima lobira za uvoz. Od 2005. godine već pune četiri godine se stagnira sa donošenjem pravilnika i ovdje sada moram da kažem da uz ovo, tražim odgovor: ko će snositi odgovornost za ovakvo stanje? Šta će Ministarstvo i sam ministar vanjske trgovine i ekonomskih odnosa BiH poduzeti da se ovo stanje popravi?“

Na postavljeno delegatsko pitanje, Savjet ministara Bosne i Hercegovine je na 97. sjednici održanoj 3. 9. 2009. godine, utvrdio sljedeći

Sa predmetnim pitanjem Ministarstvo vanjske trgovine i ekonomskih odnosa je upoznato 17.07. 2009. godine dopisom od Parlamentarne skupštine broj: 01-50-15-57/09 od 13.07. 2009. godine i pripremilo odgovor koji slijedi.

ODGOVOR

Shodno iskazanoj problematici i činjenici da Ministarstvo vanjske trgovine i ekonomskih odnosa u skladu sa Zakonom o poljoprivredi, prehrani i ruralnom razvoju (*«Službeni glasnik BiH»*, br. 50/08) ima nadležnost u osiguravanju koordinacije sa Agencijom za sigurnost hrane (čl. 7. tačka n)), te da je pitanje direktno upućeno ministru vanjske trgovine i ekonomskih odnosa dajemo i naš osvrt na predmetnu problematiku:

1. Agencija za sigurnost hrane je samostalna upravna organizacija pri Vijeću ministara BiH i nadležna je za sprovođenje Zakona o hrani (*«Službeni glasnik BiH»*, br. 50/04). U organizacionom smislu je neovisno tijelo koje za svoj rad odgovara isključivo Vijeću ministara i Upravnom odboru Agencije za sigurnost hrane. Prema istom Zakonu Ministarstvo vanjske trgovine i ekonomskih odnosa imenuje predstavnike u Upravnom odboru Agencije za sigurnost hrane (jednog iz Ministarstva i po jednog iz Ureda za veterinarstvo i Uprave BiH za zaštitu zdravlja bilja koje su upravne organizacije u sastavu ovog Ministarstva) kako bi se nesmetano odvijao rad

Upravnog odbora na osnovu Odluke o imenovanju članova Upravnog odbora Agencije za sigurnost hrane («Službeni glasnik BiH», br. 76/05). Prema ovoj Odluci ovo Ministarstvo ima tri predstavnika od ukupno 15 koji čine kompletan sastav Upravnog odbora Agencije za sigurnost hrane. S obzirom da četverogodišnji mandat Upravnom odboru ističe 29.09. 2009. ovo Ministarstvo je, na zahtjev Agencije za sigurnost hrane, dostavilo svoj prijedlog za imenovanje članova Upravnog odbora iz ovog Ministarstva i dostavilo Agenciji za sigurnost hrane u dva navrata: dopis broj: 08-2-1452-1/09 od 26.03. 2009. godine i dopis broj: 08-2-1452-3/09 od 23.06. 2009. godine, radi izrade nove Odluke o imenovanju članova Upravnog odbora Agencije za sigurnost hrane. Vijeće ministara Bosne i Hercegovine je, prema članovima 59. i 74. stav 1. Zakona o hrani odgovorno za imenovanje članova Upravnog odbora putem donošenja Odluke o imenovanju, a na zajednički prijedlog nadležnih organa.

Takođe, ovo Ministarstvo je bilo uključeno u izradu 18 pravilnika koje je, na prijedlog Agencije, donijelo Vijeće ministara BiH, kroz učešće svojih predstavnika u radnim grupama Agencije za sigurnost hrane. U proteklom periodu ovo Ministarstvo je razradilo i dalo svoje komentare na gotovo 30 prednacrtava pravilnika koje priprema Agencija, u skladu sa članom 21. Pravila za konsultacije za izradu pravnih propisa («Službeni glasnik BiH», broj 81/06), ali nije nadležno za usvajanje istih, niti može direktno uticati na dinamiku usvajanja i predlaganja izrade istih. Isto tako, Ministarstvo je putem svojih predstavnika učestvovalo i u pripremi Zakona o genetski modifikovanim organizmima («Službeni glasnik BiH», broj 23/09).

2. S obzirom da je u postavljenom pitanju uvaženog poslanika pomenuta Agencija za **kvalitet** hrane koja ne postoji i da smo, u tom smislu, ovu opasku tretirali kao *lapsus linguae*, te je, posljedično tome, izostala u navedenom pitanju, i direktna adresiranost na nadležnu instituciju – Agenciju za sigurnost hrane. Ovdje bi trebalo imati u vidu da Agencija za sigurnost hrane nije nadležna za kontrolu kvaliteta proizvoda, jer su za te aktivnosti u nadležnosti drugih institucija, na nivou entiteta i Brčko Distrikta BiH, (Uprave za inspekcijske poslove entiteta i Inspektorat BD BiH) bilo da se radi o njihovom uvozu, odnosno izvozu, uključujući i one koje se odnose na poljoprivredne proizvode, hranu i hranu za životinje.